

لو بالقبر واروني ما تطفى نار شجوني لحسين أهل عيوني

أنا أم لبنين القضاوا
سالت منا حرهم فدا
تمنيت إلي مية ولد
ولا أسمع حسين ان فرد
أهاتي وآلامي
ذكره يظل ما ذيني
لحسين أهل عيوني

بيهم دليلي يفاخر
حسين الغريب الحاير
جانوا ضحايا بعاشر
يهتف إلا من ناصر
للمنذبح ظامي
وزايد عليه ونيني
لحسين أهل عيوني

جرح الحسين بمهجتي
ومتوسدة فراش الأجل
عشت العمر له خادمة
بس همي ترضى فاطمة
يتلظى داللي
ما يبرى جرح سنيني
لحسين أهل عيوني

وتجويني نار أحزاني
ويلهج بذكره لساني
وأفرش له قلبي الحاني
والغالي ما ينساني
وبشوفه آمالي
واتمنى بس يلفيني
لحسين أهل عيوني

غسلوني بدموع القلب
چفوني بهموم العمر
أي واحسينا صرختي
خلولي تربة كربلا
هاج بحزن روعي
قصة ألم تدميني
لحسين أهل عيوني

وماظن تبرّد نوحى
وسدوني ويا جروحي
ما تهدا يا مذبوحى
تهجع بقايا روحى
وجمراى بضلوعى
بين الحسين وبينى
لحسين أهل عيوني